

Pangalan: **Jessica M. Ramos**

Pangkat: **BSIT- IIIF2**

Petsa: **Pebrero 16, 2024**

## **Gawain 1**

### **Batas Rizal at Pagkakapili sa kanya Bilang Bayani**

Panuto: Basahin at unawain ang Batas Rizal at Panuorin ang Video mula sa YOUTUBE.

#### **1. Ano ang Batas Rizal?**

Republic Act 1425 o ang Batas Rizal ay isang batas na ipinasa noong Hunyo 12, 1956 na nagsasaad na dapat ituro ang buhay, mga sinulat, at mga aral ni Jose Rizal sa lahat ng mga paaralan sa Pilipinas. Lalo na ang Noli Me Tangere at El Filibusterismo. Ito ay pinirmahan ng dating Pangulong Ramon Magsaysay. Ito ay inihanda ni Senador Jose P. Laurel Sr., at ang Batas Rizal ay opisyal na ipinatupad ng Pambansang Kapulungan ng Edukasyon noong Agosto 16, 1956. Bago pa man maipasa ang batas na ito ay dumaan ito sa matinding proseso, sapagkat hindi naging madali ang pagpasa ng batas na ito sa kadahilanang ang simbahan at ang mga mambabatas ay naniniwalang ang dalawang nobela ni Rizal ay naglalaman ng mga pahayag laban sa simbahan. Ayon sa batas, dapat ipabasa sa mga bata o mag-aaral ang walang putol na bersyon ng Noli Me Tangere at El Filibusterismo, ngunit matindi itong tinutulan ng simbahan, dahil ayon sa kanila, kapag binasa ito ng buo ay maaring mawalan na ng pananampalataya o hindi na maniwala sa doctrina ang mga bata dahil sa pagtutuligsa at pagkwestiyon ni Rizal sa mga prayle sa pamamagitan ng kanyang mga sulatin.

#### **2. Sinu-sino ang mga gumawa ng batas nito?**

Ang mga pangunahing architect at tagapagtaguyod ng Batas Rizal sa Kapulungan ng mga Kinatawan at Senado ay sina:

**Senador Jose P. Laurel** - Dating pinuno ng Pambansang Kapulungan ng Edukasyon

**Cong. Jacobo Gonzales** - Pinangunahan ang panukalang batas sa Kongreso o House Bill 5561

**Senador Claro M. Recto** - Pinangunahan ang panukalang batas sa Senado o Senate Bill 438

#### **3. Panu at saan ito ituturo?**

Ayon sa Batas, ito ay ituturo sa pamamagitan ng pagsama sa kurikulum ng lahat ng paaralan, kolehiyo, unibersidad, pampubliko man o pribado, ang kurso sap ag-aaral ng buhay, mga ginawa, at mga isinulat ni Jose Rizal, partikular na

ang kanyang dalawang nobela na *Noli Me Tangere* at *El Filibusterismo*. Ito ay obligasyon ng bawat kolehiyo at unibersidad na magkaroon at magtago sa kanilang mga silid-aklatan ng sapat na orihinal na sipi at makabagong bersyon ng *Noli Me Tangere* at *El Filibusterismo*, at iba pang mga isinulat ni Rizal kabilang ang kanyang talambuhay.

#### **4. Bakit ang simbahang katoliko ay tutol sa Batas Rizal?**

Tutol ang Simbahang Katoliko dahil sa makabagong pag-iisip at mga sinulat ni Rizal na tumutuligsa sa ilang mga kaisipan at gawi ng Simbahan noon. Ayon sa Simbahang Katoliko, ang mga nobela ni Rizal na *Noli* at *Fili* ay naglalaman ng mga pahayag na laban sa simbahan. Naniniwala sila na maaaring mawalan ng pananampalataya o sumuway ang mga mambabasa nito sa mga itinuturo ng simbahan. Ayon sa aking nabasa sa internet, isang pahayag ng Philippine Hierarchy ng Simbahang Katoliko na nagsasabing, hindi nila tutulan si Rizal bilang bayani o ang pagtuturo ng makabayang edukasyon. Ngunit naniniwala silang sapilitang pagbabasa ng mga akdang salungat sa pananampalataya ng mga mag-aaral ay lumalabag sa constitutional provision ng religious freedom.

#### **5. Bakit si Rizal ang napiling pambansang bayani?**

Si Rizal ay piniling Pambansang Bayani dahil sa kanyang papel bilang isa sa mga pinakamahalagang bayani ng rebolusyon. Siya din ay pumasa sa pamantayan na inilatag ni Dr. H. Otley Beyer isang dalubhasa sa antropolohiya, na nagsasabing ang pambansang bayani ay dapat isang Pilipino, yumao na, may matayog na pagmamahal sa bayan, at may mahinahong damdamin. Si Rizal ay kilala bilang pangunahing tagapagtaguyod ng reporma at pagbabago sa pamamagitan ng mapayapang paraan, at hindi gumagamit ng dahas, bagkus, ginamit niya ang pluma at papel upang isiwalat ang katotohanan sa kanyang kapwa Pilipino.

#### **6. Tama lang ba na si Rizal ang napiling Bayani. Ano ang pagkakaiba ni Bonifacio?**

Para sa akin, magkapantay sina Rizal at Bonifacio bilang mga bayaning nag-ambag ng malaki upang makamitan natin ang kalayaan ng bansa mula sa mga mananakop. Si Bonifacio ay nagpakita ng pagtindig sa pamamagitan ng militanteng pag-aklas at handang isakripisyo ang buhay para sa bayan. Sa kabilang banda, si Rizal naman ay ginamit ang kanyang mga sulatin upang itaguyod ang pagkamulat ng mga Pilipino laban sa mga mananakop. Maari ninyong sabihin na, mas karapat-dapat si Bonifacio upang maging pambansang bayani, sapagkat lumaban siya ng pisikal at nagbuwis ng dugo para sa bansa, at si Rizal ay nagsulat lamang, kung бага hindi siya handang mamatay para sa sariling bayan. Ngunit kung susuriin o babasahin natin ang ilang bagong translation ng kanyang mga akda, ay mababasa natin ang *"I cannot live knowing that many are suffering unjust persecution because of me. I prefer to face death"*

*and gladly give my life to free many innocent persons from this unjust persecution.”*  
- mula sa National Historical Commission of the Philippines na nag saad na handa din siyang isakripisyo ang kanyang buhay para sa kanyang kapwa Pilipino. Dahil dito, pinaniniwalaan kong tama lang na si Rizal ang ating pambansang bayani, sapagkat lumaban siya sa mapayapang pamamaraan, tungo sa paglaya ng bayan sa mga mananakop, na nagbibigay ng kakaibang katangian sa kanya kumpara sa ibang mga bayani.

## **7. Sinu-sino ang kumatawan sa pagpili ng pambansang Bayani?**

Ang mga nagpasya o kumatawan sa pagpili ng pambansang Bayani ay sina:

- Commissioner William Howard Taft
- Morgan Schuster
- Bernard Moses
- Dean Worcester
- Henry Clay Ide
- Trinidad Pardo de Tavera
- Gregorio Araneta
- Cayetano Arellano
- Jose Luzurriaga